

《萬千星輝頒獎典禮2023》前晚圓滿結束，一如賽前所料，《新聞女王》掃8獎成劇王，佘詩曼更創造歷史封3料視后。她坦言只要劇本好，會繼續為TVB拍劇，期待原班人馬拍《新》劇續集。她又指不會因為擺獎而提高身價，覺得跟團隊一齊努力炮製出色劇集，才是她最大滿足感。

# 黃宗澤講漏多謝樂易玲急補鑊 阿佘劇酬照舊 想再演女王



出爐「帝后」陳豪與佘詩曼開心合照。

頒獎禮結束後，阿佘受訪時表示感覺似發夢，心情仍未平復：「個心仲卜卜跳！」提到《新聞女王》掃8獎成大贏家，她坦言最開心是擺「最佳劇集」：「由高海寧第一個擺獎，我已經忍唔住喊。」她笑言昨晚太感動，不知喊了多少次。提到在林峯與楊茜堯手上擺獎，她說：「估唔到林峯咁口密，佢真係冇講畀我聽佢會嚟。」問到是否想盡快再拍無綫劇？她坦言期待拍《新》劇續集，又指不會因擺獎而提高身價：「大家團隊做一個project已經係贏咗，對我嚟講已經賺晒，其他嘢唔講，淨係呢份友誼已經抵晒。」

陳豪相隔16年憑《破毒強人》再膺視帝，他笑言自己的紀錄無人能打破，因他提名過28次視帝：「依家證明咗我對做戲嘅熱愛同追求係正確，我覺得呢個係一個獎勵。」入行15年的高海寧首奪「最佳女配角」，她受訪時表示心情激

動，沒想到節目一開始就頒女配角獎，完全沒心理準備。她語帶激動指首次在公司得獎，過年會帶獎項到內地送給婆婆及天上的公公和爺爺。

有傳林保怡相隔13年重返TVB拍《刑偵12》，他坦言去年收到通知，上月收到初稿，現時看劇本，雖未答允演出，但強調與TVB一直關係良好。

## 馬國明獲陳豪贈大利是

馬國明雖失落視帝，但未有介懷：「幾乎全晚獎項得主我都貼中，唯獨冇貼自己擺獎。最開心係陳豪同林子善得獎，因為陳豪喺台慶封咗一封大利是畀我，所以我睇好佢。」提到他在台上表示太太旺夫，他笑言去年真的很旺，尤其沒想過「最佳衣着」能勝過陳山聰，歸功太太幫手揀衫。黃宗澤成為首屆「大灣區最喜愛TVB男主角」得主，他受訪時即補鑊稱在台上忘記多謝樂易玲，因沒想過得獎，故沒準備感言，揚言以後樂小姐叫他做什麼或者加簽約作賠罪也可以。



黃宗澤領獎時忘記多謝樂易玲，受訪時即補鑊認錯。

馬國明一早睇好陳豪贏「最佳男主角」。

不少觀眾期待羅嘉良(左)與林保怡再拍無綫劇。

擔任頒獎嘉賓的羅嘉良與林保怡表示以前雖然在同一公司，但未曾真正合作，希望有機會與苗僑偉合作拍TVB劇，做串燒三兄弟。

## MIRROR 騷重啟 安全至上

為H字形設計，台頂只懸掛吊燈及裝飾，大屏幕則貼於牆身，一切以安全為主。

12子約8時30分出場，一口氣唱出《Sheesh》、《Innerspace》等幾首團歌。身形比之前瘦的姜濤與Anson Lo並排而站，之後Lokman與Anson Kong對唱鬥唱功。



MIRROR型爆打扮登場。

姜濤



湯洛雯調理身體備孕

湯洛雯成為「馬太」後，昨日首次出席公開活動，當商場工作人員遞上「連生貴子」揮春給她時，靚湯即笑到見牙唔見眼。她表示先享受二人世界，不會特別趕生「龍BB」，但與老公馬國明已開始調理身體：「因為女仔嘅卵子好重要，我好多朋友生完喇番啲葉酸送畀我食，老公都有食。」問到會否叫老公少接工作全力造人？她笑言：「依家要儲多啲錢，將來生小朋友要龐大支出，我結婚之後都好怪，買嘢前會考慮清楚。」

湯洛雯拿着「連生貴子」揮春影相。

## 李施嬅演技獲讚無憾

李施嬅與黎諾懿昨日出席活動，諾懿即場炮製賀年菜「鮑你黃金滿屋皇子雞」，施嬅則做助手從旁協助。問施嬅之後是否趕往美國與男友結婚？她笑言：「我有計劃。」提到失落視后，她坦言沒失望：「我配合『張家妍』個角

色，好努力但擺唔到獎，我符合到角色。」問到會否叫無綫下次安排付出了會有獎的角色？她笑言：「我有獎唔代表冇人睇到，其實拍呢套劇每個人嘅得着都超乎獎項，今次回響同演技上嘅讚賞已經贏晒，我都無憾。」

